



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Carminvm Iacobi Albani Ghibbesii, Poetae Lavreati Caesarei, Pars Lyrica**

**Gibbes, James Alban**

**Romae, 1668**

Ad Alphonsvm IV. Atestinvm, Mvtinae Et Regii Dvcem. In funere Francisci  
patris. Gratulatur indè successionem ipsi. Ode XXXIII.

**urn:nbn:de:hbz:466:1-13378**



I, fors maxima quò vocat ;  
 I vim Pontifici promere Maximo  
 Contra, myrrhee Onyx, luem  
 Paruâ mole celer . Non tibi Pontica  
 Pyxis, nil prohibens capi  
 Optantem dominum funera ; non tibi  
 Persarum ducis arcula ,  
 Victori spolijs gratior omnibus ,  
 Clauso prodita balsamo ,  
 Certet ; sancta Patris si manus applicat .

AD ALPHONSVM IV.  
 ATESTINVM,  
 MUTINAE ET REGII DVCEM .

*In funere FRANCISCI patris . Gratulatur inde  
 successionem ipsi .*

ODE XXXIII.

PVllâ virentem frontis adorem  
 Commutet umbrâ præfica Pieris ,  
 Cantumquè lugubri querelâ, &  
 Triste chely resonante buxum .  
 Non illa, fano qualis Apolline  
 Spectanda venit nupèr ; amicius  
 Gratata solennes triumphos  
 Egregio patris Almerico !  
 Audita cui non capta Valentia  
 Moles ? quis altis surdior ictibus  
 Non quassa Mortarî recepit  
 Mœnia, terribilemquè cladem ?  
 Tum quantus vrbes, quantus erat pavor  
 Agros per omnes ? iam caput Insubrum  
 Secto petebat calle victor ,  
 Eridano subeunte pontem .  
 Tamquè & coronam vi Modoëtia  
 Penè occupârat, feruidus aggredi :

Sed



Sed Parcâ bellorum furorî  
 Obstitit, imminuitquè regem,  
 Sortes adæquans: accipitrem velût  
 Prædæ inuolantem corripuit prior  
 Ales Tonantis. Sic iocoso  
 Res hominum libet ire cælo.  
 Atquî perustis febribus, Hercules  
 Ritu, subegit cedere nescium:  
 Hoc æqua solùm, quòd supremos  
 Ferre virum docuit labores  
 Heròis inuicti, assimilem Deo  
 Tot antè factis; indigetem quoquè  
 Olim futurum, cùm Latinos  
 Prisca duces monumenta pandent.  
 Apollo vixit vatibus, & choris;  
 Vixit Gradius bellipotentibus  
 Nexis sacramento maniplis,  
 Dulce decus, columenquè certum.  
 Pròh cæusa luctûs! nec reparabilis  
 Iactura in æuum! flebile naniæ  
 Sublatus argumentum acerbæ!  
 Heu miseræ fera imago pompæ!  
 Sed cur oborto lumina depluunt  
 Humore rursûs? Sit satis hactenûs  
 Soluisse vectigal sepulcro;  
 Sit, cineres maduisse sacros.  
 Lætis recentem sedibus aduenam  
 Linquamus illîç plaudere. Nunc iuuat  
 Virtutis hæredem paternæ,  
 Et solij, rutiliquè sceptri,  
 ALPHONSE, grato dicere carmine  
 Te subsecutum: ciuibus additum  
 Solamen agris, quòd dolorem  
 Blanda leuet memorem voluptas,  
 Quæ deindè fessis gaudia gentibus  
 Enarro vates? Principis indolem  
 Odisse pugnas, Romuliquè  
 Pace Numam cohibere bella.